



Nangariyauyuq Eva Aariak
Hivuliqtia Nunavut
Ministanga Hivuliqtiriyikkut Kavamaliqiyitkullu
Ministanga Arnait Qanurilinganinginnut
Ministanga Nunatiqhimayunut
Ministanguyuq Uqauhinginnun
Ilauyuq Maligaliuqvingmi ukununga Iqaluit Kivataa

Hivuliqti Eva Aariak taguyumayainik ihuaqhiutjutighanginnut Nunavummiutat, tuhaavlugit nunallaat, hakugikhilaarutaanut kavamat pitjutigivlugulu talvunga Nunavutip tuglia nunami hivuliqtiulihuni. Havaakhaanut iliyauyuq uumani Tarium Hikutirvia 19, 2008.

Naunaittumi havaarihimayaani, Ms. Aariak aqhut havakpaktuq ilitaripqaqhugu uqauhiriyainik Nunavut, Inuktitut. Arvinilikni ukiuni, havaariyaa una Nunavutip Uqauhirnut Kamisinauhimayuq, timiata munariyaa Kavamanga Nunavutip atuqtainut pitjutigivlugit Inuit uqauhiinik, Uviititut Qablunaatutlu. Ms. Aariak tautuffaaktaa Nunavutip qanuq havaktaungmangaat pivlugit Inuktitut Inuinnaqtunlu havaani uqauhirivluakhugit Kavamatkuni piyaghaniklu pitquivluni maligaliuqvingmi tikkuqaqtauhimayut katimayiit taaffumunga Iitariyauhimayunut Uqauhirnut Maligakhaq unalu Inuit Uqauhinginnun Tammaqtailinirmut Maligakhaq. Inmi pivagaitlu: ikayukhuni numiqtirutaanut taaffumunga Microsoftmut ihuaqhiivlugit Kaniyuaakpaitnut; makpiraaaliuqhugit Inuktitut nutaqqanut makpiraaaliuqhimayut atuqtauyaangitni iliharvingnit Kivataani Ukiuqtaqtumi; ilihautivlugitlu angayughiit kavamani havaktut ilihahnahuat Inuktitut ilihautjutainni.

Ms. Aariak ayuittuqlu uqauhitjutiningmut, havaktuliqinikkut, nanminiqaqningmut, ilihautinut kavamaliqinikkutlu havakvingminut. Havakhimayuq inungnut pitjutighanut talvuuna Havakvianit Ayuiqhaqtuq Kamisina Nunavunmut, timiata havaquyauhimayuq havaarilugu una Nunavunmi Angiqatigiigut Nunataarutinut pilugulu una inungnut kavamakhaq. Ms. Aariak havaaqahimayuq titiraqhuni talvani Kanatami Naalautikkut Tiiviikkutlu Kuapaliisiat unalu havaktuliqiyinut ayuitpiaktuq ukunani Kavamanga Nunattiak. Aallanilu, ikhivautaqahimayuq Ikpiaryukmi Nunallaani Iihaqtuliqiyiit, talvani Iqaluit Nunallaani Iihaqtuliqiyiit unalu Mittimatalikmi Haamlitkut Katimayiini.

Niruaqtautinnani Maligaliuqvingmut, Ms. Aariak nanminiqaqtuq havaarivlugulu naguuyumik aulayumut mikiyumik nanminiqaqhuni Ikhivautaqahunilu talvani Qikiqtaalukmi Aviktuqhimayumi Nanminiq Havakvilingnut Katimaqatigiingit.

Nunaqaqhimavluni Ikpiaryukmi, Eva Qamaniq Aariak nunaqaqtuq Iqalungni. Nutaraqaqtut hitamanik, Karliin, Jordan, Shawn unalu Jari, anaanattianguvluni malruknut, Tasiana unalu Joyce.

Kavamat Havaktia Eva Aariak
Nunavut Kavamanga
Qiuqutaa 2410
Iqaluit, NU X0A 0H0



www.gov.nu.ca